

BOSNA I HERCEGOVINA  
VIJEĆE MINISTARA  
DIREKCIJA ZA EKONOMSKO PLANIRANJE



БОСНА И ХЕРЦЕГОВИНА  
САВЈЕТ МИНИСТАРА  
ДИРЕКЦИЈА ЗА ЕКОНОМСКО ПЛАНИРАЊЕ

BOSNIA AND HERZEGOVINA  
COUNCIL OF MINISTERS  
DIRECTORATE FOR ECONOMIC PLANNING

**INFORMACIJA**  
**o kretanju makroekonomskih pokazatelja**  
**za januar/siječanj - mart/ožujak 2015. godine**  
**u Bosni i Hercegovini**

**Sarajevo, maj/svibanj 2015. godine**

## Sadržaj:

|   |    |
|---|----|
| Uvod.....   | 3  |
| 1. Realni sektor u BiH.....   | 4  |
| 1.1. <i>Industrijska proizvodnja u BiH</i> .....                                    | 4  |
| 1.2. <i>Tržište rada BiH</i> .....  | 4  |
| 2. Javne finansije u BiH.....   | 5  |
| 2.1. <i>Indirektni porezi u BiH</i> .....   | 5  |
| 2.2. <i>Prihodi od direktnih poreza, doprinosa i neporeskih prihoda u BiH</i> ..... | 6  |
| 3. Cijene, monetarni i finansijski sektor u BiH.....                                | 7  |
| 3.1. <i>Cijene – Indeks potražaćkih cijena (CPI)</i> .....                          | 7  |
| 3.2. <i>Monetarni agregati</i> .....  | 8  |
| 3.3. <i>Prosječna obvezna pričuva</i> .....   | 8  |
| 3.4. <i>Devizne pričuve Centralne banke BiH</i> .....                               | 9  |
| 3.5. <i>Depoziti</i> .....  | 9  |
| 3.6. <i>Kredit</i> .....  | 10 |
| 3.7. <i>Berze</i> .....   | 10 |
| 4. Vanjski sektor.....  | 11 |
| 5. Strane direktne investicije u BiH.....   | 13 |

## Uvod

Vijeće ministara Bosne i Hercegovine je na 79. sjednici održanoj 05.03.2009. godine razmotrilo i usvojilo Prijedlog mjera iz nadležnosti Vijeća ministara BiH za ublažavanje uticaja globalne ekonomske krize na privredu BiH. Direkcija za ekonomsko planiranje (u daljem tekstu : Direkcija) je zadužena da prati kretanje makroekonomskih pokazatelja i informaciju o kretanju makroekonomskih pokazatelja mjesečno dostavlja Vijeću ministara, radi poduzimanja potrebnih aktivnosti iz nadležnosti Vijeća ministara radi prevladavanja krize i poticanja ekonomskog rasta.

Direkcija je zadužena da Informaciju dostavlja mjesečno i Parlamentarnoj skupštini Bosne i Hercegovine u svrhu praćenja uticaja svjetske ekonomske krize na ekonomiju BiH.

Informacija prati kretanje glavnih makroekonomskih pokazatelja u BiH za navedeni period. Detaljna pojašnjenja svih oblasti koje su obuhvaćene u ovom dokumentu se mogu naći u Ekonomskim trendovima BiH koje publikuje Direkcija, kvartalno – četiri puta godišnje, te redovno dostavlja Vijeću ministara i Parlamentu BiH.

\* \* \*

## Trenutno stanje u ekonomiji BiH

Dostupni pokazatelji vanjske trgovine, industrijske proizvodnje i dr. za BiH ukazuju na rast ekonomske aktivnosti u prvom tromjesečju 2015. godine. Ovaj rast je po svemu sudeći zasnovan na određenom realnom povećanju izvoza i aktivnostima realnog sektora s jedne strane, te blagom povećanju domaće tražnje i uvoza s druge strane. Pri tome je realno smanjenje vanjskotrgovinskog deficita po svemu sudeći bilo znatno skromnije u odnosu na nominalno, te otuda i skromniji doprinos ukupnom ekonomskom rastu.

Rast robnog izvoza na godišnjem nivou praćen povećanjem prerađivačke industrije u odnosu na četvrti kvartal 2014. godine ukazuje na određeno jačanje aktivnosti u realnom sektoru u BiH. Realni rast robnog izvoza je znatno (skoro dvostruko) veći u odnosu na skromnu nominalnu stopu od 2,7% obzirom da iza nje u značajnoj mjeri stoji godišnji pad svjetskih cijena nafte od skoro 50%. Ovakav rast izvoza je ostvaren uz zanemariv doprinos električne energije. Ovo je bilo dovoljno da se tek donekle potakne prerađivačka industrija čija je proizvodnja realno povećana za 3,9% u odnosu na četvrti kvartal 2014.godine. Ovo je tek bilo dovoljno da se izjednači nivo proizvodnje iz istog perioda prethodne godine.

Pomenuti pad cijena nafte je takođe u velikoj mjeri doveo i do nominalnog pada robnog uvoza od 1,9% (g/g). S tim u vezi, rast robnog uvoza bez nafte i naftnih derivata bi bio pozitivan sa stopom od 1,6%, pa bi prema tome i pad robnog deficita u realnom smislu (bez obzira na realno veći rast izvoza od nominalnog) bio slabiji od nominalnog (7,8%). Ovakvo kretanje uvoza ukazuje na blago povećanje domaće tražnje, na što dodatno ukazuje godišnji rast PDV prihoda po prijavama od 1,1%, te realni rast prometa maloprodaje od 7,2% (g/g) u prvom tromjesečju 2015. godine.

## 1. Realni sektor u BiH

### 1.1. Industrijska proizvodnja u BiH

Na osnovu dostupnih pokazatelja BHAS-a za prvi kvartal 2015. godine može se konstatovati da u Bosni i Hercegovini nije napravljen značajniji iskorak kada je u pitanju industrijska proizvodnja. Tako je BiH tokom prvog kvartala 2015. godine zabilježila stagnaciju ukupne industrijske proizvodnje sa registriranim smanjenjem fizičkog obima proizvodnje od 0,7% u odnosu na isti period prethodne godine.<sup>1</sup> Međutim, prilikom posmatranja industrijske proizvodnje u BiH potrebno je imati u vidu i izraženi bazni efekt iz prvog kvartala prethodne godine koji je bio izrazito povoljan sa ukupnim rastom industrijske proizvodnje od 4,5%.

Sektorski posmatrano, ključni razlog za stagnaciju ukupne industrijske proizvodnje tokom prvog kvartala 2015. godine bila je prerađivačka industrija koja čini 2/3 ukupne industrije i u navedenom periodu ostvarila je neznatan porast proizvodnje od samo 0,2%. Međutim, ako se prerađivačka industrija poredi sa četvrtim kvartalom prethodne godine primjetan je određen napredak pa je tako registrirani rast K1 2015/K4 2014 iznosio 3,9%, što je potvrđeno i kvartalnim povećanjem izvoza od 2,7%. Tokom prvog kvartala 2015. godine izostao je značajniji doprinos sektora za proizvodnju električne energije koji je zabilježio skromno povećanje proizvodnje od 0,2% u odnosu na isti period prethodne godine. Ključni razlog za stagnaciju sektora za proizvodnju električne energije tokom prvog kvartala 2015. godine bio je pad proizvodnje električne energije u termo elektranama, što je u konačnici dovelo do kvartalnog pada proizvodnje u sektoru rudarstava od oko 8%.

Tabela 1: Industrijska proizvodnja u BiH

| Indeksi g/g              |      | 2007  | 2008  | 2009  | 2010  | 2011  | 2012 | 2013  | 2014  | 2015   |         |       |       |
|--------------------------|------|-------|-------|-------|-------|-------|------|-------|-------|--------|---------|-------|-------|
|                          |      |       |       |       |       |       |      |       |       | Januar | Februar | Mart  | K1    |
| Industrijska proizvodnja | FBiH | 108,6 | 107,9 | 88,4  | 104,2 | 102,5 | 95,6 | 107,3 | 100,0 | 98,3   | 95,8    | 98,5  | 97,6  |
|                          | RS   | 102,5 | 117,0 | 111,0 | 105,2 | 105,1 | 96,2 | 104,1 | 100,7 | 100,4  | 107,0   | 103,4 | 103,7 |
| fizički obim             | BiH  | 107,2 | 111,1 | 93,4  | 104,3 | 102,2 | 96,3 | 105,2 | 100,1 | 98,7   | 98,9    | 100,4 | 99,3  |

Izvor: BHAS,FZZS,RZZS

### 1.2. Tržište rada u BiH

Ukupna radna snaga u BiH u februaru 2015. godine se nastavila uvećavati zbog povećanja broja zaposlenih lica. U istom periodu broj nezaposlenih lica u BiH je smanjen (poređenje g/g). Rast broja zaposlenih u većini područja djelatnosti je doprinijeo da ukupan broj zaposlenih u februaru 2015. godine bude veći za 1,9% g/g i iznosi 706,4<sup>2</sup> hiljada. Najznačajniji porast broja zaposlenih je u području prerađivačke industrije koja zapošljava oko 19% od ukupno zaposlenih u BiH. Ukupan broj nezaposlenih lica u martu 2015. godine je smanjen za 1% g/g. Administrativna stopa nezaposlenosti u februaru 2015. godine je iznosila 43,8%<sup>3</sup> i manja je za 0,7 p.p. u odnosu na isti mjesec prethodne godine.

<sup>1</sup> Agencija za statistiku Bosne i Hercegovine, Saopštenje "Indeks obima industrijske proizvodnje u Bosni i Hercegovini za mart 2015. godine", 24.04.2015.

<sup>2</sup> Privremeni podatak. Izvor: BHAS.

<sup>3</sup> Administrativna stopa nezaposlenosti je izračunata kao odnos broja nezaposlenih lica i ukupne radne snage. Podatak se odnosi na februar jer broj zaposlenih za mart nije objavljen u periodu izrade Informacije.

Uporedo sa povećanjem broja zaposlenih prosječna neto plata u BiH u februaru 2015. godine je nominalno smanjena za 0,3% g/g, dok je realni rast neto plate 0,4% zbog deflacije u posmatranom mjesecu. Najznačajnija smanjenja neto plata su u područjima umjetnosti, zabave i rekreacije, poslovanja nekretninama, građevinarstvu, poljoprivredi, lovu i šumarstvu (poređenje sa istim mjesecom 2014. godine). Prosječna penzija u BiH u martu 2015. godine je veća za 2,5% (361<sup>4</sup> KM) u odnosu na isti mjesec 2014. godine, ali se nije bitno mijenjala u poređenju sa prosječnom penzijom u februaru 2015. godine (tabela ispod).

**Tabela 2: Osnovni indikatori tržišta rada u BiH<sup>5</sup>**

| Period                 | Broj zaposlenih lica u BiH | Broj nezaposlenih lica u BiH | Prosječna neto plata u BiH (KM) | Prosječna penzija u BiH (KM) |
|------------------------|----------------------------|------------------------------|---------------------------------|------------------------------|
| I 2015.                | 706.971                    | 551.167                      | 828                             | 358                          |
| II 2015.               | 706.411                    | 550.095                      | 820                             | 362                          |
| III 2015.              | -                          | 546.779                      | -                               | 361                          |
| <b>Stope rasta g/g</b> |                            |                              |                                 |                              |
| I 2015.                | 2,1%                       | -1,1%                        | -1,2%                           | 1,6%                         |
| II 2015.               | 1,9%                       | -1,2%                        | -0,3%                           | 2,6%                         |
| III 2015.              | -                          | -1,0%                        | -                               | 2,5%                         |

Izvor: BHAS, entitetski zavodi za zapošljavanje, Zavod za zapošljavanje BD, penzioni fondovi u BiH

## 2. Javne finansije u BiH

### 2.1. Indirektni porezi u BiH

Nakon smanjenja u januaru i nešto sporijeg rasta u februaru, u martu 2015. godine neto prihodi od indirektnih poreza su zabilježili značajno povećanje od 10,5%. Rast neto prihoda je rezultat rasta prikupljenih bruto prihoda od 8,3%, kao i smanjenja povrata od 1,1%. Međutim, ako se posmatra kumulativ za prva tri mjeseca tekuće godine, rast neto prihoda bilježi skromniji rast u odnosu na isti period prethodne godine. Rast prihoda od PDV (5,8%) na mjesečnom nivou je rezultat rasta uvoza u posmatranom mjesecu.

Ako se posmatraju prihodi od PDV-a prikupljeni u prva tri mjeseca, evidentira se njihovo smanjenje, što je rezultat smanjenja uvoza u istom periodu. Ostale vrste prihoda bilježe rast.

Prema poreskim prijavama za prva tri mjeseca, prihodi od uvoznog PDV-a su zabilježili smanjenje od 1,8%, dok domaći PDV bilježi rast od čak 19,8%.

Raspodjela sredstava sa JR UIO se vrši tako da se prvo odvoje sredstva za servisiranje vanjskog duga, a ostatak je namjenjen za finansiranje budžeta. Sredstva raspoloživa za raspodjelu sa JR UIO su u martu mjesecu porasla za 7,6% u odnosu na isti mjesec prethodne godine, dok su za prva tri mjeseca rasla znatno sporije (3,8%) u odnosu na isti period prethodne godine. Smanjenje potreba za servisiranjem vanjskog duga od 10,1% (g/g), za prva tri mjeseca, je doveo do rasta finansiranja budžeta od 5,8% (g/g).

<sup>4</sup> Prosječna penzija u BiH je izračunata na osnovu entitetskih nivoa penzija ponderisanih odnosom ukupnog broja penzionera u svakom od bh. entiteta.

<sup>5</sup> Podatak o broju zaposlenih i neto platama za mart 2015. godine nije objavljen u periodu pripreme Informacije.

Tabela 3: Naplata i raspodjela prihoda od indirektnih poreza (rast g/g u % ako nije drugačije naznačeno)

|   | 2014<br>struktura | 2012        | 2013        | 2014       | 2014<br>jan-<br>mar | 2015<br>jan-<br>mar | 2015<br>feb mar |             |
|---|-------------------|-------------|-------------|------------|---------------------|---------------------|-----------------|-------------|
| <b>Bruto prihodi - prikupljeno</b>                        | <b>100,0</b>      | <b>-0,1</b> | <b>0,2</b>  | <b>6,1</b> | <b>6,1</b>          | <b>3,5</b>          | <b>2,5</b>      | <b>8,3</b>  |
| Povrati   | 18,5              | 0,2         | 12,8        | 17,6       | 1,9                 | 5,0                 | 8,3             | -1,1        |
| <b>Neto prihodi - prikupljeno</b>                         | <b>81,5</b>       | <b>-0,1</b> | <b>-2,1</b> | <b>3,8</b> | <b>7,1</b>          | <b>3,1</b>          | <b>1,3</b>      | <b>10,5</b> |
| PDV   | 51,5              | 0,5         | -1,9        | 3,4        | 9,5                 | -2,3                | 2,1             | 5,8         |
| Carine  | 3,7               | -18,5       | -5,6        | 11,5       | 12,8                | 11,3                | 8,4             | 14,0        |
| Akcize  | 21,2              | 2,8         | -2,5        | 3,2        | 4,2                 | 10,1                | 13,2            | 9,1         |
| Putarine  | 4,7               | -1,3        | -0,1        | 3,2        | 12,7                | 5,9                 | 12,2            | 8,8         |
| Ostali prihodi  | 0,3               | -1,7        | 1,9         | 7,6        | -2,7                | 9,3                 | 14,3            | 7,8         |
| Neusklađeni prihodi                                       | 0,1               | -75,0       | 103,9       | 612,8      | -79,8               | 423,3               | 0,0             | 0,0         |
| <b>Raspoloživo za raspodjelu</b>                          | <b>100,0</b>      | <b>0,0</b>  | <b>0,1</b>  | <b>6,0</b> | <b>6,6</b>          | <b>3,9</b>          | <b>3,2</b>      | <b>7,6</b>  |
| Minimalne rezerve   | 18,8              | 0,2         | 12,6        | 17,4       | 0,6                 | 4,5                 | 7,0             | -1,1        |
| <b>Budžeti</b>  | <b>81,2</b>       | <b>-0,1</b> | <b>-2,1</b> | <b>3,6</b> | <b>8,1</b>          | <b>3,8</b>          | <b>2,4</b>      | <b>9,6</b>  |
| <b>Servisiranje vanjskog duga</b>                         | 10,6              | 37,2        | 47,5        | 2,9        | 50,9                | -10,1               | 36,5            | -33,0       |
| <b>FBiH</b>   | 6,8               | 37,8        | 51,0        | 3,3        | 47,9                | -10,2               | 36,9            | -33,6       |
| <b>RS</b>   | 3,7               | 36,1        | 41,1        | 1,9        | 56,5                | -10,1               | 35,7            | -31,9       |
| <b>BD</b>   | 0,0               | 19,7        | 474,5       | 83,5       | 0,0                 | 0,0                 | 0,0             | 0,0         |
| <b>Raspodjeljeno nakon<br/>servisiranja vanjskog duga</b> | 70,6              | -2,8        | -7,2        | 3,8        | 3,8                 | 5,8                 | 0,8             | 26,1        |
| <b>Institucije BiH</b>                                    | 12,1              | 8,9         | 0,0         | 0,0        | 0,0                 | 0,0                 | 0,0             | 4,8         |
| <b>FBiH</b>   | 37,2              | -6,0        | -7,7        | 4,8        | 5,6                 | 9,1                 | 2,8             | 35,7        |
| <b>RS</b>   | 18,9              | -2,8        | -11,0       | 4,3        | 2,4                 | 3,6                 | -2,7            | 29,5        |
| <b>BD</b>   | 2,4               | -1,5        | -2,9        | 3,9        | 9,7                 | 4,4                 | 2,7             | 10,6        |

Izvor: Uprava za indirektno oporezivanje

## 2.2. Prihodi od direktnih poreza, doprinosa i neporeskih prihoda u BiH

Na nivou BiH, a u nadležnosti entitetskih poreskih uprava, prikupljeno je za 2,6% više prihoda u odnosu na isti period prethodne godine, i to zahvaljujući rastu prihoda od direktnih poreza (1,9%) i prihoda od doprinosa od 3,6%. Prethodnih mjeseci ostvareni prihodi po osnovu taksi, kazni i naknada su bili značajna komponenta rasta ukupnih prihoda, ali na kraju posmatranog perioda (I-III 2015.) bilježe smanjenje.

Prema podacima PU FBiH, sve kategorije prihoda bilježe rast osim poreza na dobit i doprinosa za zapošljavanje, što je dovelo do rasta ukupnih prihoda od 4,1%.

Nešto nepovoljnija situacija je u nadležnosti PU RS, gdje je zabilježeno smanjenje ukupnih prihoda od 0,2%. Do smanjenja su doveli smanjenje prihoda od poreza na dohodak, smanjenje prihoda od najznačajnijih kategorija doprinosa (PIO, zdravstvo), kao i smanjenje ostalih prihoda (takse, naknade, kazne).

Tabela 4: Prihodi od direktnih poreza, doprinosa, taksi, naknada i sl.

| Naziv prihoda                        | FBIH jan-mar 2015 |              |             | RS jan-mar 2015 |              |              | BiH jan-mar 2015 |                |             |
|--------------------------------------|-------------------|--------------|-------------|-----------------|--------------|--------------|------------------|----------------|-------------|
|                                      | miliona KM        |              | rast u      | miliona KM      |              | rast u       | miliona KM       |                | rast        |
|                                      | 2014              | 2015         | %           | 2014            | 2015         | %            | 2014             | 2015           | u %         |
| <b>Direktni porezi</b>               | <b>148,8</b>      | <b>152,9</b> | <b>2,8</b>  | <b>113,3</b>    | <b>114,1</b> | <b>0,7</b>   | <b>262,1</b>     | <b>267,0</b>   | <b>1,9</b>  |
| Porez na dohodak                     | 69,4              | 74,3         | 7,1         | 56,2            | 53,1         | -5,5         | 125,6            | 127,4          | 1,5         |
| Porez na dobit                       | 53,6              | 51,2         | -4,4        | 52,1            | 54,3         | 4,2          | 105,7            | 105,5          | -0,2        |
| Porezi građana                       | 25,4              | 27,0         | 6,0         | 2,5             | 3,1          | 22,7         | 27,9             | 30,0           | 7,4         |
| Ostali porezi                        | 0,3               | 0,4          | 18,2        | 2,5             | 3,6          | 42,6         | 2,9              | 4,0            | 39,7        |
| <b>Ostale takse, kazne i naknade</b> | <b>121,0</b>      | <b>133,6</b> | <b>10,4</b> | <b>96,1</b>     | <b>81,1</b>  | <b>-15,6</b> | <b>217,2</b>     | <b>214,7</b>   | <b>-1,1</b> |
| <b>Doprinosi</b>                     | <b>646,6</b>      | <b>667,6</b> | <b>3,2</b>  | <b>305,8</b>    | <b>319,1</b> | <b>4,3</b>   | <b>952,4</b>     | <b>986,6</b>   | <b>3,6</b>  |
| PIO                                  | 357,5             | 372,0        | 4,1         | 172,1           | 169,3        | -1,6         | 529,6            | 541,3          | 2,2         |
| Zdravstvo                            | 258,9             | 265,7        | 2,6         | 112,2           | 109,9        | -2,0         | 371,1            | 375,6          | 1,2         |
| Nezaposleni                          | 30,2              | 29,8         | -1,5        | 8,4             | 8,6          | 2,5          | 38,6             | 38,3           | -0,6        |
| Dječija zaštita                      | 0,0               | 0,0          | -           | 12,3            | 12,6         | 2,4          | 12,3             | 12,6           | 2,4         |
| Zapošljavanje invalida               | 0,0               | 0,0          | -           | 0,9             | 1,0          | 11,8         | 0,9              | 1,0            | 11,8        |
| Fond solidarnosti                    | 0,0               | 0,0          | -           | 0,0             | 17,7         | -            | 0,0              | 17,7           | -           |
| <b>UKUPNO</b>                        | <b>916,4</b>      | <b>954,1</b> | <b>4,1</b>  | <b>515,3</b>    | <b>514,3</b> | <b>-0,2</b>  | <b>1.431,7</b>   | <b>1.468,3</b> | <b>2,6</b>  |

Izvor: Poreska uprava RS i Poreska uprava FBIH

### 3. Cijene, monetarni i finansijski sektor u BiH

#### 3.1. Cijene – Indeks potrošačkih cijena (CPI)

Iako je u martu 2015. godine u BiH zabilježena deflacija (0,2% g/g), primjećuje se da je intenzitet smanjenja cijena slabiji u odnosu na početak godine. Niže cijene nafte na svjetskom tržištu su imale uticaj na kretanje cijena u odjeljku prevoza koje su u posmatranom mjesecu smanjene za 6,4% g/g, što je značajno doprinijelo deflaciji u BiH. Cijene su takođe smanjene u odjeljcima odjeće i obuće i ostalih dobara i usluga (g/g). Većina ostalih odjeljaka CPI indeksa u martu 2015. godine je zabilježila umjeren rast cijena što je usporilo intenzitet smanjenja opšteg nivoa cijena. Izuzetak je odjeljak alkohola i duvana koji bilježi brži rast cijena od 6,6% g/g.<sup>6</sup> Time je u prvom kvartalu 2015. godine u BiH zabilježena deflacija od 0,6% g/g (tabela ispod).

Tabela 5: Indeksi potrošačkih cijena pojedinih odjeljaka – poređenje isti period prethodne godine

| Odjeljci  | I 2015 | II 2015 | III 2015 | I-III 2015<br>I-III 2014 |
|---|--------|---------|----------|--------------------------|
| Hrana i bezalkoholna pića                               | 99,4   | 100,4   | 100,7    | 100,2                    |
| Stanovanje, vodosnab., el. energ., plin i dr. energenti | 101,2  | 101,2   | 101,5    | 101,3                    |
| Prevoz  | 91,5   | 91,6    | 93,6     | 92,2                     |
| Odjeća i obuća  | 93,5   | 94,2    | 95,4     | 94,3                     |
| Alkoholna pića i duvan                                  | 106,6  | 106,6   | 106,6    | 106,6                    |
| CPI ukupan indeks                                       | 99,1   | 99,3    | 99,8     | 99,4                     |

Izvor: BHAS

#### 3.2. Monetarni agregati

Ukupna novčana masa (M2) za prvi kvartal 2015. godine iznosila je 17,3 mlrd. KM i veća je za 7,2% u odnosu na isto razdoblje prošle godine. Najveći doprinos rastu M2 dali su prenosivi i ostali depoziti

<sup>6</sup> Povećanje akciza na cigarete i duvan u januaru 2015. godine.

u domaćoj valuti (po 1,9 p.b. svaka komponenta), a zatim slijedi gotovina izvan banaka (1,8 p.b.), prenosivi depoziti u inozemnoj valuti (0.9 p.b.), te ostali depoziti u inozemnoj valuti (0.8 p.b.).

Pričuvni novac u promatranom razdoblju iznosio je 6,8 mlrd. KM i zabilježio je usporavanje rasta g/g zbog usporenijeg rasta prosječnih obveznih pričuva. Stopa rasta M0 za prvi kvartal iznosila je 7,9% g/g što je 1,4 p.b. niže u odnosu na kraj godine.

**Tabela 6: Monetarni agregati (u mil. KM, stanje na kraju razdoblja)**

| Godina          | Mjesec | Pričuvni novac (M0) | Transakcijski novac (M1) | Kvazi novac (QM) | Novac u širem smislu (M2) |
|-----------------|--------|---------------------|--------------------------|------------------|---------------------------|
| 1               | 2      | 3                   | 4                        | 5                | 6=4+5                     |
| 2015.           | 01.    | 6.846               | 7.226                    | 10.007           | 17.233                    |
| 2015.           | 02.    | 6.836               | 7.254                    | 10.048           | 17.302                    |
| 2015.           | 03.    | 6.808               | 7.250                    | 10.070           | 17.320                    |
| Stope rasta g/g |        |                     |                          |                  |                           |
| 2015.           | 01.    | 9,1%                | 9,4%                     | 5,9%             | 7,3%                      |
| 2015.           | 02.    | 7,9%                | 9,6%                     | 5,0%             | 6,9%                      |
| 2015.           | 03.    | 7,9%                | 8,8%                     | 6,1%             | 7,2%                      |

Izvor: CBBiH

### 3.3. Prosječna obvezna pričuva

Prosječan saldo računa obveznih pričuva na godišnjoj razini bilježi rast od 7,3% g/g i usporio je poredići s krajem godine za 5,4 p.b. zbog usporenijeg rasta depozita domaćih sektora. Prosječna stopa obvezne pričuve za prvi kvartal 2015. godine iznosila je 8,6%, a implicitna stopa obvezne pričuve iznosila je 22,1%. Struktura obveznih pričuva kao i stope obveznih pričuva dani su u tabeli ispod.

**Tabela 7: Prosječna obvezna pričuva (u mil. KM, stanje na kraju razdoblja)**

| Godina          | Mjesec | Osnovica za obračun obvezne pričuve | Prosječne obvezne pričuve | Prosječan saldo računa obveznih pričuva kod CBBiH | Razlika | Stopa obvezne pričuve | Implicitna stopa obvezne pričuve |
|-----------------|--------|-------------------------------------|---------------------------|---|---------|-----------------------|----------------------------------|
| 1               | 2      | 3                                   | 4                         | 5   | 6=5-4   | 7=4/3                 | 8=5/3                            |
| 2015.           | 01.    | 16.299                              | 1.398                     | 3.697   | 2.298   | 8,6%                  | 22,7%                            |
| 2015.           | 02.    | 16.246                              | 1.390                     | 3.562   | 2.172   | 8,6%                  | 21,9%                            |
| 2015.           | 03.    | 16.253                              | 1.390                     | 3.598   | 2.208   | 8,6%                  | 22,1%                            |
| Stopa rasta g/g |        |                                     |                           |   |         |                       |                                  |
| 2015.           | 01.    | 3,8%                                | 4,1%                      | 8,3%  | 11,1%   | -                     | -                                |
| 2015.           | 02.    | 3,5%                                | 3,6%                      | 4,7%  | 5,4%    | -                     | -                                |
| 2015.           | 03.    | 3,3%                                | 3,2%                      | 7,3%  | 10,1%   | -                     | -                                |

Izvor: CBBiH

### 3.4. Devizne pričuve Centralne banke BiH

Bruto devizne pričuve za prvi kvartal 2015. godine iznosile su 7,8 mlrd. KM, a rast je iznosio 12,1% g/g. Rast izvoza, a pad uvoza g/g, dalo je pozitivan doprinos rastu deviznih pričuva. U odnosu na kraj 2014. godine zabilježen manji pad od 0,4% deviznih pričuva, što je uobičajeno za prvi kvartal.



Promatrajući strukturu deviznih pričuva, učešće depozita kod nerezidentnih banaka smanjeno je u korist investicija u vrijednosne papire. Pregled strukture deviznih pričuva dan je u tabeli ispod.

**Tabela 8: Devizne pričuve (u mil. KM, stanje na kraju razdoblja)**

| Godina          | Mjesec | Zlato | Držanje SDR | Inozemna valuta u trezoru CBBiH | Depoziti kod nerezidentnih banaka | Ostalo | Investicije u vrijednosne papire | Bruto devizne pričuve |
|-----------------|--------|-------|-------------|---------------------------------|-----------------------------------|--------|----------------------------------|-----------------------|
| 1               | 2      | 3     | 4           | 5                               | 6                                 | 7      | 8                                | 9=3+...8              |
| 2015.           | 01.    | 213   | 5           | 84                              | 1.988                             | 0      | 5.505                            | 7.795                 |
| 2015.           | 02.    | 203   | 9           | 89                              | 1.904                             | 0      | 5.638                            | 7.843                 |
| 2015.           | 03.    | 205   | 9           | 97                              | 1.202                             | 0      | 6.284                            | 7.797                 |
| Stopa rasta g/g |        |       |             |                                 |                                   |        |                                  |                       |
| 2015.           | 01.    | 23,9% | -94,3%      | -30,0%                          | -19,5%                            | -      | 32,1%                            | 11,0%                 |
| 2015.           | 02.    | 11,1% | 259,6%      | 55,0%                           | -3,7%                             | -      | 19,3%                            | 12,9%                 |
| 2015.           | 03.    | 16,9% | 268,0%      | 33,8%                           | -20,1%                            | -      | 20,9%                            | 12,1%                 |

Izvor: CBBiH

### 3.5 Depoziti

Ukupni depoziti u prvom kvartalu 2015. godine zabilježili su usporavanje poredeći s istim razdobljem prošle godine. U promatranom razdoblju iznosili su 15,2 mlrd. KM, a zabilježena je stopa rasta od 5,5% g/g što je 2,4 p.b. manje u odnosu na kraj 2014. godine. Jedan od razloga jeste isključenje jedne banke iz bilance stanja bankarskog sektora u BiH.

Promatrajući strukturu depozita prema sektorima, sektor stanovništva i ostali bilježe pozitivan godišnji rast, dok sektor nefinancijskih poduzeća (zbog nefinancijskih privatnih poduzeća) i depoziti sektora opće vlade bilježe negativne stope rast g/g. Detaljan pregled sektorske strukture depozita dan je u tabeli ispod.

**Tabela 9: Kretanje depozita (u mil. KM, stanje na kraju razdoblja)<sup>7</sup>**

| Godina          | Mjesec | Ukupni depoziti | Depoziti stanovništva | Depoziti nefinancijskih poduzeća | Depoziti opće vlade | Ostali  |
|-----------------|--------|-----------------|-----------------------|----------------------------------|---------------------|---------|
| 2015.           | 01.    | 15.165,7        | 9.157,9               | 3.480,2                          | 1.273,2             | 1.254,4 |
| 2015.           | 02.    | 15.152,9        | 9.255,8               | 3.421,0                          | 1.222,0             | 1.254,2 |
| 2015.           | 03.    | 15.228,0        | 9.364,2               | 3.396,8                          | 1.265,2             | 1.201,9 |
| Stopa rasta g/g |        |                 |                       |                                  |                     |         |
| 2015.           | 01.    | 5,8%            | 8,6%                  | -0,6%                            | 6,1%                | 5,3%    |
| 2015.           | 02.    | 4,9%            | 9,5%                  | -1,8%                            | -5,1%               | 2,3%    |
| 2015.           | 03.    | 5,5%            | 10,2%                 | -2,1%                            | -0,6%               | 1,1%    |

Izvor: CBBiH

### 3.6 Krediti u BiH

Kao i ukupni depoziti i ukupni krediti zabilježili usporavanje u odnosu na kraj 2014. godine. U prvom kvartalu 2015. godine ukupni krediti iznosili su 16,9 mlrd. KM i zabilježili su povećanje od svega 1,6% g/g. Slab rast kredita dodatno je usporen isključenjem jedne banke iz aktive bankarskog sektora BiH.

<sup>7</sup> Sektor nefinancijskih poduzeća čine nefinancijska javna i privatna poduzeća. Sektor opće vlade čine sve razine vlada u BiH. Za potrebe izrade Informacije ostali sektor čine: ostale finansijske institucije, neprofitne organizacije i ostali.

Najveći doprinos rastu ukupnih kredita dali su krediti plasirani sektoru stanovništva (2,4 p.b.) i sektoru opće vlade (1,3 p.b.), dok sektor nefinancijskih poduzeća je dao negativan doprinos rastu (-2,1 p.b.). Detaljan pregled sektorske strukture kredita dan je u tabeli ispod.

**Tabela 10: Kretanje kredita (u mil. KM, stanje na kraju razdoblja)**

| Godina          | Mjesec | Ukupni krediti | Krediti stanovništvu | Krediti nefinancijskim poduzećima | Krediti općoj vladi | Krediti ostalim sektorima |
|-----------------|--------|----------------|----------------------|-----------------------------------|---------------------|---------------------------|
| 2015.           | 01.    | 16.735,8       | 7.473,4              | 8.056,0                           | 1.118,5             | 87,9                      |
| 2015.           | 02.    | 16.777,2       | 7.484,2              | 8.086,7                           | 1.115,6             | 90,7                      |
| 2015.           | 03.    | 16.887,1       | 7.553,2              | 8.104,6                           | 1.139,5             | 89,8                      |
| Stopa rasta g/g |        |                |                      |                                   |                     |                           |
| 2015.           | 01.    | 2,2%           | 6,0%                 | -3,3%                             | 23,8%               | -0,6%                     |
| 2015.           | 02.    | 1,6%           | 5,9%                 | -4,2%                             | 21,0%               | 5,1%                      |
| 2015.           | 03.    | 1,6%           | 5,6%                 | -4,1%                             | 22,6%               | 1,9%                      |

Izvor: CBBiH

### 3.7. Berze u BiH

Na Sarajevskoj berzi (SASE) u mjesecu martu 2015. godine ostvaren je promet u iznosu od 92,5 miliona KM što čini 54,6% od ukupnog ostvarenog prometa na berzama u BiH u ovome mjesecu.

U sklopu 582 transakcije prometovano je 2.070.940 vrijednosnih papira. Koristeći infrastrukturu Sarajevske berze, u mjesecu martu, održane su 24. i 25. emisija trezorskih zapisa Federacije Bosne i Hercegovine. Metodom višestrukih cijena ukupno prikupljeno 59,8 miliona KM. To je ujedno i najveći razlog povećanja prometa na SASE u mjesecu martu koji je veći za 62,1% u odnosu na promet u istom mjesecu 2014. godine.

Na Banjalučkoj berzi (BLSE) u mjesecu martu 2015. godine ostvaren je promet u iznosu od 77 miliona KM što čini 45,4% od ukupnog prometa ostvarenog na berzama u BiH u ovome mjesecu. Promet na BLSE je veći za 150,1% u odnosu na promet u istome mjesecu prošle godine. Od ovoga iznosa 60 miliona KM prometa je ostvaren Javnom ponudom Obveznica RS koja je održana 10.03.2015. godine.

Ukupan promet u mjesecu martu na obje berze (SASE i BLSE) u iznosu od 169,5 miliona KM je veći za 93,1% u odnosu na promet u istom periodu 2014. godine.

**Tabela 11: Promet (u KM)**

| Period | SASE          | BLSE          | UKUPNO      |
|--------|---------------|---------------|-------------|
| Mar-13 | 41.855.902,67 | 69.104.746,23 | 110.960.649 |
| Mar-14 | 57.074.967,61 | 30.706.272,49 | 87.781.240  |
| Mar-15 | 92.509.367,36 | 77.032.917,58 | 169.542.285 |

Izvor: SASE i BLSE

Poredeći vrijednosti kapitalizacije na Sarajevskoj berzi (SASE) u mjesecu martu 2015. godine sa vrijednostima u mjesecu martu 2014. godine zabilježen je rast od 7,7%, i ukupnoj kapitalizaciji učestvuje sa 52,3%. Kapitalizacija na Banjalučkoj berzi (BLSE) u mjesecu martu 2015. godine bilježi rast od 6,9% u poređenju sa vrijednosti u mjesecu martu 2014. godine i učestvuje u ukupnoj kapitalizaciji 47,7%. Vrijednost kapitalizacije na obje berze (SASE i BLSE) u martu 2015. godine bilježi rast od 0,9% u odnosu na vrijednosti u mjesecu martu 2014. godine.

Kapitalizacija u mjesecu martu 2013, 2014 i 2015. godine je iznosila:

**Tabela 12: Kapitalizacija (u KM)**

| Period | SASE             | BLSE             | UKUPNO           |
|--------|------------------|------------------|------------------|
| Mar-13 | 4.341.134.931,22 | 4.098.665.730,77 | 8.439.800.661,99 |
| Mar-14 | 4.334.785.358,38 | 4.018.256.998,16 | 8.353.042.356,54 |
| Mar-15 | 4.667.604.777,59 | 4.258.923.056,20 | 8.926.527.833,79 |

Izvor: SASE i BLSE

#### 4. Vanjski sektor u BiH

Tokom prvog kvartala 2015. godine vanjskotrgovinsku razmjenu u Bosni i Hercegovini karakterisali su solidan izvozni rast, smanjenje uvoza i vanjskotrgovinskog deficita, te poboljšanje pokrivenosti uvoza izvozom u odnosu na isti period prethodne godine.

U posmatranom periodu ukupni bh. izvoz iznosio je 2,117 milijardi KM i u odnosu na prvi kvartal prethodne godine povećan je za 2,7%. U okviru bh. izvoza najveći doprinos rastu ostvaren je u kategorijama baznih metala, prehrambenih proizvoda, hemijskih proizvoda i tekstila. S druge strane, najznačajnije smanjenje i samim tim i najveći negativan doprinos rastu ostvaren je u kategoriji nafte i naftnih derivata gdje je izvoz prepolovljen, te u kategoriji drvo i proizvodi od drveta gdje je registriran kvartalni pad izvoza od preko 10%.

Ako se bh. izvoz u periodu januar-mart 2015. posmatra po geografskoj strukturi evidentno je povećanje izvoza u zemlje CEFTA od 9,3%, dok je izvoz u zemlje EU smanjen za 0,8%. Sa stanovišta glavnih trgovinskih partnera u periodu januar-mart 2015. godine registrirana su povećanje izvoza u Italiju 6,8%, Srbiju 7,4% i Sloveniju 1,7%, dok je s druge strane došlo do smanjenja izvoza u Njemačku 1,6%, Hrvatsku 8%, Austriju 4%.

Tokom prvog kvartala 2015. godine ukupni bh.uvoz iznosio je 3,560 milijardi KM što predstavlja smanjenje od 1,9 % u odnosu na isti period prethodne godine. Ako se struktura bh. uvoza posmatra po proizvodima najznačajnija povećanja uvoza ostvarena su u okviru kategorija baznih metala, prehrambenih proizvoda te motornih vozila. S druge strane, pad uvoza naftnih derivata od oko 40% pri čemu treba imati u vidu i pad cijene nafte na svjetskom tržištu od oko 50% bio je ključni za smanjenje ukupnog bh. uvoza u navedenom periodu. Tako je vanjskotrgovinski deficit za prvi kvartal 2015. godine iznosio 1,443 milijardi KM i u poređenju sa istim periodom prethodne godine smanjen je za 7,8%.

Ukupna pokrivenost uvoza izvozom u BiH u posmatranom periodu djelimično je poboljšana u odnosu na isti period prethodne godine i tokom prvog kvartala 2015.godine iznosila je 59,5%.<sup>8</sup> Detaljniji pregled vanjskotrgovinske robne razmjene u BiH za prvi kvartal 2015. godine prikazan je u tabeli ispod:

<sup>8</sup> Agencija za statistiku Bosne i Hercegovine, Saopštenje "Statistika robne razmjene sa inostranstvom januar-mart 2015. godine", 20.04.2015. godine.

Tabela 13: Vanjskotrgovinska robna razmjena u BiH prema HS klasifikaciji za prvi kvartal 2015. godine

| Uvoz i izvoz dobara klasifikovani prema harmonizovanom sistemu kodova (HS)                                    | IZVOZ            |                  |                      |            | UVOZ             |                  |                      |             | BILANS            |                   |                      |             | Pokrivenost uvoza izvozom |
|---|------------------|------------------|----------------------|------------|------------------|------------------|----------------------|-------------|-------------------|-------------------|----------------------|-------------|---------------------------|
|   | K1-2014          | K1-2015          | K1_2015 promjena u % |            | K1-2014          | K1-2015          | K1-2015 promjena u % |             | K1-2014           | K1-2015           | K1-2015 promjena u % |             |                           |
|   | u mil KM         | u mil KM         | g/g                  | p.p        | u mil KM         | u mil KM         | g/g                  | p.p         | u mil KM          | u mil KM          | g/g                  | p.p         |                           |
| <b>UKUPNO</b>   | <b>2.062.416</b> | <b>2.117.309</b> | <b>2,7</b>           | <b>2,7</b> | <b>3.627.380</b> | <b>3.560.120</b> | <b>-1,9</b>          | <b>-1,9</b> | <b>-1.564.964</b> | <b>-1.442.811</b> | <b>-7,8</b>          | <b>-7,8</b> | <b>59,5%</b>              |
| 1 ŽIVOTINJE I PROIZVODI ŽIVOTINJSKOG PORIJEKLA  | 21.820           | 31.101           | 42,5                 | 0,45       | 100.423          | 100.420          | 0,0                  | 0,00        | -78.603           | -69.319           | -11,8                | -0,59       | 31,0%                     |
| 2 PROIZVODI BILNOG PORIJEKLA  | 21.337           | 38.132           | 78,7                 | 0,8        | 165.544          | 193.680          | 17,0                 | 0,78        | -144.207          | -155.548          | 7,9                  | 0,72        | 19,7%                     |
| 3 MASTI I ULJA ŽIVOTINJSKOG PORIJEKLA I BILNOG PORIJEKLA  | 19.062           | 33.244           | 74,4                 | 0,69       | 30.725           | 38.572           | 25,5                 | 0,22        | -11.663           | -5.328            | -54,3                | -0,40       | 86,2%                     |
| 4 PREHRAMBENE PRERAĐEVINE   | 66.469           | 63.562           | -4,4                 | -0,14      | 287.560          | 295.869          | 2,9                  | 0,23        | -221.091          | -232.307          | 5,1                  | 0,72        | 21,5%                     |
| 5 PROIZVODI MINERALNOG PORIJEKLA  | 241.820          | 198.718          | -17,8                | -2,09      | 672.685          | 499.076          | -25,8                | -4,79       | -430.865          | -300.358          | -30,3                | -8,34       | 39,8%                     |
| 6 PROIZVODI HEMIJSKE INDUSTRIJE ILI SRODNIH INDUSTRIJA  | 138.698          | 157.732          | 13,7                 | 0,92       | 358.341          | 365.933          | 2,1                  | 0,21        | -219.643          | -208.201          | -5,2                 | -0,73       | 43,1%                     |
| 7 PLASTIČNE MASE, GUMA I KAUČUK   | 50.909           | 61.212           | 20,2                 | 0,50       | 203.301          | 207.442          | 2,0                  | 0,11        | -152.392          | -146.230          | -4,0                 | -0,39       | 29,5%                     |
| 8 KOŽA I KRZNO  | 34.488           | 36.728           | 6,5                  | 0,11       | 125.703          | 104.278          | -17,0                | -0,59       | -91.215           | -67.550           | -25,9                | -1,51       | 35,2%                     |
| 9 DRVO I PROIZVODI OD DRVETA  | 142.811          | 125.843          | -11,9                | -0,82      | 38.835           | 43.042           | 10,8                 | 0,12        | 103.976           | 82.801            | -20,4                | 1,35        | 292,4%                    |
| 10 CELULOZA, PAPIR I KARTON I NJIHOVI PROIZVODI   | 64.160           | 56.490           | -12,0                | -0,37      | 85.941           | 93.338           | 8,6                  | 0,20        | -21.781           | -36.848           | 69,2                 | 0,96        | 60,5%                     |
| 11 TEKSTIL I TEKSTILNI PROIZVODI  | 98.197           | 116.209          | 18,3                 | 0,87       | 224.648          | 233.539          | 4,0                  | 0,25        | -126.451          | -117.330          | -7,2                 | -0,58       | 49,8%                     |
| 12 OBUĆA, ŠEŠIRI, KAPE I SLIČNI PROIZVODI   | 162.313          | 157.804          | -2,8                 | -0,22      | 87.708           | 97.539           | 11,2                 | 0,27        | 74.605            | 60.265            | -19,2                | 0,92        | 161,8%                    |
| 13 PROIZVODI OD KAMENA, GIPSA, CEMENTA I SLIČNIH MATERIJALA, KERAMIČKI PROIZVODI, STAKLO I STAKLENI PROIZVODI | 16.020           | 14.735           | -8,0                 | -0,06      | 56.650           | 63.730           | 12,5                 | 0,20        | -40.630           | -48.995           | 20,6                 | 0,53        | 23,1%                     |
| 14 BISERI, PLEMENITI METALI I NJIHOVI PROIZVODI, DRAGO I POLUDRAGO KAMENJE                                    | 4.075            | 3.331            | -18,3                | -0,04      | 3.729            | 2.703            | -27,5                | -0,03       | 346               | 628               | 81,5                 | -0,02       | 123,2%                    |
| 15 BAZNI METALI I PROIZVODI OD BAZNIH METALA  | 407.901          | 430.221          | 5,5                  | 1,08       | 329.326          | 343.146          | 4,2                  | 0,38        | 78.575            | 87.075            | 10,8                 | -0,54       | 125,4%                    |
| 16 MAŠINE, APARATI, MEHANIČKI I ELEKTRIČNI UREĐAJI  | 233.125          | 244.143          | 4,7                  | 0,53       | 522.749          | 509.480          | -2,5                 | -0,37       | -289.624          | -265.337          | -8,4                 | -1,55       | 47,9%                     |
| 17 TRANSPORTNA SREDSTVA I NJIHOVI DIJELOVI I PRIBOR   | 78.732           | 79.275           | 0,7                  | 0,03       | 218.335          | 229.390          | 5,1                  | 0,30        | -139.603          | -150.115          | 7,5                  | 0,67        | 34,6%                     |
| 18 SATOVI, MJERNI, MUZIČKI I MEDICINSKI INSTRUMENTI   | 3.969            | 4.124            | 3,9                  | 0,01       | 38.244           | 56.562           | 47,9                 | 0,50        | -34.275           | -52.438           | 53,0                 | 1,16        | 7,3%                      |
| 19 ORUŽJE I MUNICIJA, NJIHOVI DIJELOVI I PRIBOR   | 9.279            | 12.800           | 37,9                 | 0,17       | 1.150            | 778              | -32,3                | -0,01       | 8.129             | 12.022            | 47,9                 | -0,25       | 1645,2%                   |
| 20 RAZNI PROIZVODI  | 246.487          | 252.246          | 2,3                  | 0,28       | 75.890           | 81.563           | 7,5                  | 0,16        | 170.597           | 170.683           | 0,1                  | -0,01       | 309,3%                    |
| 21 UMJETNIČKA DJELA, KOLEKCIONARSKI PREDMETI I ANTIKVITETI  | 32               | 0                | -100,0               | 0,00       | 10               | 0                | -100                 | 0,00        | 22                | 0                 | -100                 | 0,00        | 38,5%                     |
| 98 NERAZVRSTANO   |                  |                  |                      |            |                  |                  |                      |             | 0                 | 0                 |                      | 0,0         |                           |

Izvor: Agencija za statistiku BiH

## 5. Strane direktne investicije u BiH

Prema posljednjim podacima Centralne banke BiH direktna ulaganja (SDU) u iznose 826,07 miliona KM što je više za 88 % nego 2013. godini.

Tabela 14: Ulaganja po kvartalima u 2012., 2013. i 2014. godini

| U milionima KM | K1     | K2     | K3     | K4      | K1-K4  |
|----------------|--------|--------|--------|---------|--------|
| 2012           | 55,81  | 158,44 | 148,51 | 146,42  | 509,18 |
| 2013           | 324,41 | 207,50 | 29,96  | -122,39 | 439,48 |
| 2014           | 298,04 | 235,38 | 145,37 | 147,27  | 826,07 |

Izvor: CBBiH

Prema dostupnim podacima CBBiH za 9 mjeseci 2014. godine najviše je bilo ulaganje u oblasti proizvodnje sa preko 50% , dok je od zemalja najveće ulaganja bilo iz Rusije i Velike Britanije.

Od događaja koji će imati utjecaja na strane direktne investicije treba spomenuti da je 13.03.2015. godine Agencija za ocjenu kreditnog rejtinga „Standard & Poor’s“ potvrdila Bosni i Hercegovini suvereni kreditni rejting „B“ sa stabilnim izgledima.

Nakon rasprave na sjednici, Vijeće ministara je usvojilo sljedeće

### ZAKLJUČKE

1. Sve navedeno u ovoj Informaciji, a i ostali raspoloživi podaci ne ukazuju na pozitivne pomake po pitanju ekonomske aktivnosti u ovoj u odnosu na prethodnu godinu, te je potrebno poduzeti aktivnosti u skladu sa nadležnostima pojedinih razina vlasti koje će poboljšati stanje u ekonomiji BiH , te osigurati oporavak i rast.
2. Vijeće ministara je primilo Informaciju k znanju.